



FÖSTUDAGUR 30. ÁGÚST 2019

## Lífsstíll



Á morgun ríkir karnivalstemning í Menningarhúsum Kópavogs, með smíðjum, danspartíi og jóga, bláum kubbum fyrir yngstu gestina, marokkósku teboði og henna-húðflúri. Söngkonan Valgerður Guðnadóttir hefur þróað dagskrá fyrir Menningarhúsin sem er miðuð að þátttöku gesta. ➔4

# Maður verður að elta hjartað

Guðmundur Jónsson úr Sálinni er enn á fullu í tónlist meðfram fjölskyldulífinu og starfi sínu sem tækniteiknari. Hann er nú að gefa út plötu með dúettinum GG blús, sem heldur útgáfutónleika á Hard Rock í kvöld. ➔2



Guðmundur Jónsson segist aldrei geta bara slakað á, heldur sé hann alltaf að gera tónlist. FRÉTTABLAÐIÐ/VALLI

EKKI  
MISSA  
AF ÞESSU!

ÚTSALA Á HJÓLUM OG HJÓLAVÖRUM

**25-45%**

AFSLÁTTUR AF VÖLDUM VÖRUM



FAXAFENI 7 · SÍMI 5 200 200 · GAP.IS

**GAP**

Oddur Freyr

Þorsteinsson

oddurfreyr@frettabladid.is



Tónlistarmaðurinn Guðmundur Jónsson er best þekktur sem gítarleikari í Sálinni hans Jóns míns, en hann hefur komið víða við á ferlinum, leikið með ólíkum sveitum og gefið út þrjár sólóplötur. Nú þegar Sálin er hætt fer mestallur tími Guðmundar í vinnuna og að sjá um fjölskylduna, en hann er langt í frá hættur í tónlistinni og telur að hann geti það líklega aldrei. Um þessar mundir er hann að gefa út plötu með sveitinni GG blús og þeir halda útgáfutónleika á Hard Rock í kvöld.

Guðmundur segir að Sálin hafi ákveðið að kalla þetta gott á síðasta ári. „Okkur fannst vera komið nóg. Við áttum 30 ára afmæli í fyrra og okkur fannst það ágætis endapunktur á farsælu samstarfi,“ segir Gummi. „Ég á auðvitað eftir að sakna sveitarinnar, meira en helmingurinn af ævinni fór í hana, maður hefur verið vakinn og sofinn yfir þessu og það hefur gengið vel. En sumir hlutir taka bara enda. Við erum eins og og bræður og það situr ekkert eftir nema góðar minningar, fyrir utan auðvitað tónlistina sjálfa.“

Við erum allir fjölskyldumenn og flestir okkar eru að vinna „heidarlega vinnu“, eins og maður segir, þannig að það tók engin tilvistarkreppa við,“ segir Gummi. „Þetta gerðist líka á nokkrum árum og kom ekkert á óvart.“

Hann segist ekki vita hvort Sálin komi einhvern tímann saman aftur. „Maður á aldrei að segja aldrei, en það er ekkert áætlað.“

### Hugmyndir á færbandi

En Gummi hætti ekki að spá í músík. „Núna er ég kominn á fullt með GG blús. Eins og gamla klisjan segir, þegar einar dyr lokast opnast aðrar. Maður fær hugmyndir og finnur alltaf eitthvað skemmtilegt að gera,“ segir hann.

Gummi hefur leikið með ýmsum sveitum í gegnum tíðina og gaf líka út sólóplötur Japl, Jaml og Fuður. Nýlega hefur hann spilað með þungarokksveitinni Nykri en hann hefur einnig leikið með kántrísvéitinni Vestanáttinni og nýbylgjusveitinni Trúbodunum, svo fátt eitt sé nefnt. Hann segist aldrei geta bara slakað á. „Ég er alltaf að gera tónlist,“ segir hann. „Hugmyndirnar koma á færbandi og það ber að sinna þeim.“

### Tveggja manna sveit varð til einn daginn

Nýja sveitin, GG blús, er tveggja manna sveit, skipuð Gumma og Guðmundi Gunnlaugssyni. „Sveitin varð bara til upp úr þurru einn daginn árið 2017 þegar við vinirnir höfðum verið að hittast og djamma saman á hljóðfærni,“ segir Gummi. „Það var svo gaman að við ákváðum að reyna að komast upp með að vera bara tveir, gítar, trommur og söngur.“

Við erum að fara aftur í rætur rokksins og spilum blúsrokk. Við höfum báðir verið duglegir bakraddasöngvarar í gegnum tíðina, en núna syngjum við með okkar nefi,“ segir Gummi. „Fyrst spiluðum við ábreiður á knæpum bæjarins en fljótlega kom sú hugmynd að semja eitthvað fyrir sveitina og þá settum við saman plötu sem er að koma út þessa dagana og heitir Punch. Á plötunni eru sjö frumsamin lög og þrjár ábreiður.“

Sjálfur samdi Gummi fjögur lög á plötunni en þrjú lög voru samin með Guðmundi Gunnlaugssyni. „Við fengum líka Mike Pollock, gamla hetju úr Utangarðsmönnum



Það eru bara tveir meðlimir í GG blús, sem býr til skemmtilegar áskoranir þegar kemur að útsetningum.

„Kollegi minn sagði einu sinni við mig að ég tæki tónlistina alltof alvarlega. Mér fannst það skrýtin ummæli þá en ég skil þau betur núna. Ég get verið heltekinn og gleymt öllu öðru ef ég spenntur fyrir einhverju.“

og fleiri sveitum, til að semja fyrir okkur texta og syngja í laginu Lost and Found, sem var mjög gaman,“ segir Gummi. „Það eru fleiri gestir á plötunni, Sigurður Sigurðsson á munnhörpu og Jens Hansson, minn gamli stríðsfélagi úr Sálinni, leikur á saxófón, en við tveir berum hitann og þungann af þessu.“

Það er eitt lag komið út, Touching the Void, sem hefur fengið ágætar viðtökur,“ segir Gummi. „Á útgáfutónleikunum á Hard Rock í kvöld spilum við alla plötuna með gestunum okkar og tókum einhver fleiri lög líka. Það er hægt að hlusta á plötuna og kaupa hana á Bandcamp, geisladiskar eru að detta í plötubúðir og við erum líka á Spotify.“

### Fara aftur í hráleikann

„Blúsrokkid er margtroðin slóð, en mér fannst skemmtilegur vinkill að vera bara tveir. Auðvitað eru þekktir dúettar eins og The White Stripes, The Black Keys og The Royal Blood mikill innblástur og hafa gert þessu formi góð skil,“ segir Gummi. „Við vildum líka fara í þennan hráleika sem einkennið byrjun rokksins. Ég fór mikið að spá í þetta eftir að hafa farið í skemmtilega ferð á slóðir blússins

í suðurrikjum Bandaríkjanna fyrir nokkrum árum. Þá fór ég að velta fyrir mér hvar þetta byrjaði allt.“

Ég fór meðal annars í Sun Studio í Memphis, þar sem Elvis Presley og Johnny Cash tóku upp og í Third Man Records í Nashville, sem eru aðalstöðvar Jack White, sem er mikill forvígismaður þessa stíls að taka gamla blúsminnið og gera eitthvað skemmtilegt með það,“ segir Gummi. „Maður er vakandi fyrir hefðinni en um leið opinn fyrir nútímaáhrifum.“

Ég bý til bassasánd í gegnum gítarfetil, sem er nýr vinkill á spilamenskuna og það er mjög krefjandi að útsetja þannig að músíkin gangi upp en við höfum endalaust gaman af því að pæla og semja og erum æfingaglaðir með afbrigðum,“ segir Gummi. „Þetta er kannski ekki strangt til tekið blús, það er rokk og progg, popp og rokkabilly í þessu og það ægir öllu saman. Við leyfum okkur að fara út og suður. Fólk verður bara að hlusta og tékka á þessu.“

Ég er bara sáttur við útkomuna og vinnuferlið var mjög skemmtilegt, svo kemur bara í ljós hvort einhver hafi gaman af þessu hjá okkur,“ segir Gummi kíminn. „Það er bara bónus.“

### Vonlaust að eltast við það sem er vinsælt

Gummi býst ekki við að gefa út fleiri sólóplötur. „Ég gaf út þrjú lög hér um árið, Japl, Jaml og Fuður, í miklu bjartsýniskasti og þar með er það komið út úr kerfinu. En maður veit aldrei, það stóð ekki til að gera neitt með GG blús en alltaf ef ég dett niður á eitt-hvað skemmtilegt og skapandi fer maður af stað,“ segir hann. „Rokktónlist er kannski ekki mjög vinsæl um þessar mundir, en maður þælir lítið í því. Það er vonlaus afstaða að spá í hvað sé inni á hverjum tíma, því þá er maður alltaf á eftir. Maður þarf að finna hvað hjartað segir og elta það. Það hefur alltaf verið útgangspunkturinn.“



Platan Punch er aðgengileg í plötubúðum og á Bandcamp og Spotify.

### Það besta kemur oft upp úr þurru


Síðustu þrjú árin hefur Gummi starfað sem tækniteiknari hjá arkitektastofunni Arkís. „Ég lærði fagið í sjaldgæfu skynsemiskasti skómmu eftir aldamót og er að njóta góðs af því núna,“ segir Gummi. „Svo er ég bara fjölskyldumaður. Ég bý á Álftanesi og á fjóra stráka, tvo stjúpstóra og tvo sem ég bjó til með yndislegri konu, en þeir eru níu og tveggja ára. Það fer mikill tími í að sinna þeim, sem er auðvitað bæði yndislegt og gefandi.“

Ef ég á einhvern aukatíma þá fer hann í músíkina. Hún er alveg meira en nóg fyrir mig og stundum einum of. Kollegi minn sagði einu sinni við mig að ég tæki tónlistina alltof alvarlega,“ segir Gummi. „Mér fannst það skrýtin ummæli þá en ég skil þau betur núna. Ég

get verið heltekinn og gleymt öllu öðru ef ég spenntur fyrir einhverju.“

Þess á milli hef ég mjög gaman af því að spá í kvikmyndir og kvikmyndatónlist og það hefur ágerst,“ segir Gummi. „Mér finnst alltaf best að slaka á með því að fara í bíó. Það er gott að sitja í myrkrinu og horfa á góða sögu.“

Ég gæti vel hugsað mér að gera kvikmyndatónlist einn daginn. Það er ein af þessum endalausum hugmyndum sem eru á sveimi í hausnum á mér, svo kemur það bara í ljós hvort það komist í verk en ég er alltaf opinn fyrir öllu,“ segir Gummi. „Ég hef stundum staðið sjálfan mig að því í gegnum tíðina að vera of einstrengingur legur en maður er að reyna að breyta því í seinni tíð. Það besta kemur oftast upp úr þurru og þá ber að fara í humátt á eftir því.“




Allt að sjötíu prósentu  
afsláttur af sýningarvörum

**Í DAG, Á MORGUN LAUGARDAG  
OG SUNNUDAG, 30. ÁGÚST TIL 1. SEPTEMBER**

HANS J. WEGNER,  
ARNE JACOBSEN,  
BORGE MOGENSSEN,  
PHILIPPE STARCK,  
ERIK MAGNUSSEN, OFL.

Skeifan 6 / 5687733 / [www.epal.is](http://www.epal.is)





Valgerður Guðnadóttir ásamt þeim Sigurði Helga Oddssyni á pianó og Matthíasi Stefánssyni sem mundar önnur hljóðfæri. Hér með fiðluna að vopni. FRÉTTABLAÐIÐ/SIGTRYGGUR ARI

# Sérsamið tónlistarævintýri Völu á karnivali í Kópavogi

Á morgun ríkir karnivalstemning í Menningarhúsum Kópavogs, með smiðjum, danspartí og jóga, bláum kubbum fyrir yngstu gestina, marokkósku teboði og henna-húðflúri. Söngkonan Valgerður Guðnadóttir hefur þróað dagskrá fyrir Menningarhúsin sem er miðuð að þátttöku gesta.

**K**arnival í Menningarhúsum í Kópavogi stendur yfir frá klukkan 13 til 16 á morgun, laugardag. Boðið verður upp á smiðjur í Gerðarsafni og Náttúrufræðistofu, danspartí og jóga á Bókasafni Kópavogs, risakubba í Gerðarsafni og marokkóskt teboð og henna-tattú í anddyri Náttúrufræðistofu Kópavogs. Söngkonan Valgerður Guðnadóttir er ein þeirra sem fram koma en hún hefur verið að þróa nýtt tónlistarævintýri fyrir Menningarhúsin sem er miðuð að þátttöku gesta og verður það flutt í Salnum klukkan 14 á laugardeginum en með Valgerði verða pianóleikarinn Sigurður Helgi Oddsson og Matthías Stefánsson sem mundar önnur hljóðfæri. „Ævintýrið fjallar um stúlkuna Fljóð sem dregst inn í ævintýraveröld þar sem hún ferðast

„Ævintýrið fjallar um stúlkuna Fljóð sem dregst inn í ævintýraveröld þar sem hún ferðast á milli margra landa og aldrei að vita nema áheyrendur þurfi að hjálpa til við framvindu ævintýrisins.“

til margra landa og tekur þátt í mismunandi tónlistarflutningi. Tónlist frá ólíkum löndum verður flutt og aldrei að vita nema áheyrendur þurfi að hjálpa til við

framvindu ævintýrisins,“ segir Valgerður.

Valgerður hefur tekið að sér að sjá um nokkrar fjölskyldustundir á vegum Menningarhúsanna í Kópavogi í vetur. Hún er ekki ókunn þessum stundum eftir að hafa haldið nokkra tónleika, meðal annars Disney-tónleika þar sem ungir sem aldnir sungu með.

„Í vetur verðum við með fjölbreytta dagskrá. Þetta verður fyrsta fjölskyldustundin sem við Sigurður sjáum um. Þetta er tónlistarviðburður dulbúinn sem hálfgerð leikhús. Ég kalla þetta tónlistarævintýri en í því mætast margir þekktir og óþekktir tónlistarstílar.

Dagskráin á laugardaginn stendur frá kl. 13-16 og er öllum opin. Danspartí á Bókasafninu hefst kl. 13.30, tónleikar í Salnum kl. 14.00, henna-tattú á Nátt-

## Laugardagur 31. ágúst

**13.00-15.00**

Textil- og útsaumssmiðja í Náttúrufræðistofu

**13.30**

Danspartí á bókasafni

**14.00-16.00**

Teppasmiðja í Gerðarsafni

**14.00**

Vala Guðna og félagar flytja tónlist frá ýmsum löndum í Salnum

**13.00-15.00**

Kubbaflúr frá Smástund í Gerðarsafni

**14.00-16.00**

Henna-tattú og marokkóskt teboð í anddyri Náttúrufræðistofu

**15.00**

Frískandi fjölskyldujóga

Dagskráin er liður í Fjölskyldustundum á laugardögum. Allir velkomnir og ókeypis þátttaka.

úrufræðistofu er frá kl. 14-16 og frískandi fjölskyldujóga kl. 15. Smiðjur í Gerðarsafni og Náttúrufræðistofu standa yfir frá kl. 13-16 sem og kubbaflúr fyrir yngstu börnin í Gerðarsafni.

Nánar um dagskrána og Fjölskyldustundir á laugardögum má finna á menningarhusin.kopavogur.is og einnig er hægt að nálgast bækling í öllum Menningarhúsum.

# VERTU BETRI



BYRJAÐU  
**STRAX**  
Í DAG!

NÝ NÁMSKEIÐ  
AÐ HEFJAST!

ÞÚ VERÐUR BETRI MEÐ REEBOK FITNESS!

LAMBHAGI  
HOLTAGARÐAR  
URÐARHVARF  
FAXAFEN  
TJARNAVELLIR  
ÁSVALLAUG  
KÓPAVOGSLAUG  
SALALAUG

**Reebok**  
FITNESS

FYRIR ALLA | ENGIN BINDING



Það er bæði fræðandi og skemmtilegt að skoða það sem fyrir augu ber á Náttúrufræðistofu.

# Karnival í upphafi viðburðaríks menningarvetrar í Kópavogi

Ólöf Breiðfjörð, verkefnastjóri viðburða og barnamenningar í Kópavogi, segir komandi haust vera spennandi tíma þegar kemur að Menningarhúsunum í bænum. Þar séu allir velkomnir til að eiga góðar, skemmtilegar og fræðandi stundir.

Undanfarin ár höfum við verið með viðburði á hverjum laugardegi og við erum heppin hér í Kópavogi að öll menningarhúsin okkar eru í einum hnapp. Fólk getur komið hingað klukkan eitt á laugardögum og það er eitthvað skemmtilegt og uppbyggilegt um að vera og allir ættu að geta fundið eitthvað við sitt hæfi,“ segir Ólöf. Það sama má segja um viðburði á hverjum miðvikudegi sem eru ókeypis og hefjast alltaf klukkan 12.15. Ganga um útilista-verkin í Kópavogi, matarmenning á jólum, tónleikar með tveimur



Það er spennandi að láta mála á sig henna-húðflúr enda ótal mörg falleg munstur í boði.

flyglum eru meðal viðburða undir yfirskriftinni Menning á miðvikudögum. Að vera kynvera og foreldri og söngstund fyrir ungboörn og foreldra eru meðal dagskrárliða á Foreldramorgnum sem nú eru í fyrsta sinn ekki einungis haldnir á Bókasafni Kópavogs heldur líka í Gerðarsafni, Náttúrufræðistofu og í Salnum. Þá verður samstarf við RIFF í ólíkum viðburðum fyrir mismunandi aldurshópa. „Myndamorgnar á Héraðsskjalasafni eru einnig fastur liður í okkar dagskrá en annan hvern miðvikudag bjóða sérfræðingar safnsins gestum að koma í spjall og greiningu á myndum í fórum safnsins en þannig getur fólk gefið dýrmætar upplýsingar um leið og það nýtur stundarinnar með öðrum grúskurum,“ bætir Ólöf við.

Á morgun, laugardag, byrjum við vetrarstarfið með stóru karni-

vali við Menningarhúsin þar sem meðal annars er boðið upp á textíl- og útsaumssmiðju í Náttúrufræðistofu, danspartí á bókasafninu, teppasmíðju í Gerðarsafni og henna-tattú og marokkóskt teboð verður í anddyri Náttúrufræðistofu svo fátt eitt sé nefnt. Með dagskránni viljum við kynna Fjölskyldustundir á laugardögum þar sem allir eru velkomnir, þátttaka er ókeypis og allir finna eitthvað við sitt hæfi.

„Við leggjum alltaf áherslu á að viðburðir okkar styrki þátttakendur á einn eða annan máta. Í dagskránni sem nú fer í hönd leggjum við m.a. áherslu á að efla sjálfstraust hjá börnum, virkja þau í að nota náttúruna í listsköpun, fá þau til að hugsa um endurvinnslu og hvernig við getum lifað af náttúrunni. Þessir þættir eru raudur þráður hjá okkur en um leið eru viðburðirnir framreiddir



Á morgun ríkir karnivalstemning í Menningarhúsum Kópavogs. Atburðateymi Menningarhúsanna er fullt tilhlökkunar. Frá vinstri: Hrafnhildur Gíssurardóttir, Gerðarsafni, Rikey Hlín Sævarsdóttir, Náttúrufræðistofu, Ólöf Breiðfjörð, verkefnastjóri Menningarhúsanna, Rúnar Júlíusson, Salnum, og Helga Einarsdóttir, Bókasafni Kópavogs. FRÉTTABLAÐIÐ/SIGTRYGGUR ARI

á aðgengilegan og skemmtilegan máta fyrir alla fjölskylduna. Markmiðið er að heimsóknin skilji eitthvað eftir.“

Ólöf bendir á að Kópavogur vinni nú að innleiðingu Heimsmarkmiða Sameinuðu þjóðanna um sjálfbæra þróun. „Heimsmarkmiðin eru okkur í Menningarhúsunum einnig ofarlega í huga og við vinnum með þau í viðburðunum okkar. Til dæmis markmið eins og þau að stuðla að menntun fyrir alla og hvernig megi útrýma fátækt en hvort tveggja er leiðarljós hjá okkur enda geta allir sótt viðburðina okkar óháð fjárhag.“

Ólöf er að fara inn í fjórða veturinn sinn hjá Menningarhúsunum í Kópavogi og segir hún að það sé mikill stígandi í aðsókninni.

„Ef fólk hefur áhuga á einum kima menningar þá hefur það pottþétt áhuga á öðru líka. Þarna

erum við að brjóta niður múra sem okkur finnst svo skemmtilegt og skiptir okkur máli.“

Fyrir skömmu fékk Kópavogur styrk frá Barnamenningarsjóði til að ráða verkefnastjóra fjölmennningar til að auka aðgengi fólks frá öðrum menningarheimum að Menningarhúsunum. „Við viljum ná til flóttafólks og hælisleitenda en líka til fólks sem hefur búið hérna lengi en ekki náð að stíga það skref að taka þátt í viðburðum okkar. Ég hvet því alla til að mæta á karnivalið okkar á morgun og fá smjörþefinn af öllum þeim menningarlystisendum sem Kópavogsbær mun bjóða upp á næstu mánuðina.“

Dagskrána má nálgast í pappírformi í Menningarhúsunum og rafrænt á vefsíðunni menningarhusin.kopavogur.is

## Bílar & Farartæki



Suzuki fjörgengis utanborðsmótorar. Nettir, léttir, sparneytnir, hljóðlátir og áreiðanlegir. Eigum til flestar stærðir á lager.

SUZUKI  
Skeifunni 17, 108 Reykjavík  
Sími: 568 5100  
suzukisport@suzuki.is  
Suzuki.is

## Fjór hjól



WildCat X LTD -  
verð kr. 3.290.000,-



TRV 1000 - 2ja manna  
verð kr. 2.390.000,-

ARCTIC SPORT

Miðhrauni 13 - 210 Garðabæ  
Sími 578-0820 - arcticsport.is

# GEFÐU HÆNU

gjofsemgefur.is  
907 2003

Hjálparstarf  
kirkjunnar

## Bátar

MARÁS

TOHATSU  
UTANBORÐSMÓTORAR



JAPÖNSK  
ÆÆÐI!

Léttir Kraftmiklir  
Fyrirferðalitlir Sparneytnir  
Hljóðlátir 3,5-250 hö

Miðhraun 13 - 210 Garðabær  
Sími: 555 6444 - www.maras.is

## Þjónusta

## Hreingerningar

### VY-ÞRIF EHF.

Öll almenn þrif, fyrir heimili,  
húsfélög, fyrirtæki o.fl. Gerum  
verðtilboð. S. 512 4010 www.vy.is

## Garðyrkja

Hellulagnir, lóðastandsetning,  
skjólveggir og pallasmíði. Jónas  
Freyr Harðarson garðyrkjufræðingur  
s: 697-8588.

Almenn garðvinna, ódýr þjónusta.  
Halldór garðyrkjumaður. S: 698  
1215

## Bókhald

Bókhald, VSK, laun, skattskýrslur  
og stofnun fyrirtækja. Fagleg  
vinnubrögð á sanngjörnu verði.  
Bókhald og þjónusta ehf. Sími 511  
2930.

## Málarar

Getum bætt við okkur verkefnum  
innan og utanhús. Vönduð  
vinnubrögð og góð umgengni.  
Tilboð eða tímavinna. Lítið Mál ehf.  
Sigurður 896-5758.

## Búslóðaflutningar

Ert þú að flytja? Búslóðafl.,  
fyrirtækjafl., pianófl. o.fl. Extra  
stór bill. Búslóðalyfta. Flutningaþj.  
Mikaels. S. 894 4560 www.flytja.is  
flytja@flytja.is

## Húsviðhald

Viking  
VIKING WINDOW AS  
Fyrir íslenskar aðstæður



• Álklæddir trégluggar  
• Trégluggar



Vesturhrauni 3, 210 Garðabæ.  
Sími: 480 0000. www.aftvelar.is

## Skemmtanir



Best geymda leyndarmál Kópavogs

Gullnáman

## BOLTINN Í BEINNI

### LEIKIR HELGARINNAR

#### LAUGARDAGUR

11:30 Southampton - Man.Utd.  
16:30 Burnley - Liverpool

#### SUNNUDAGUR

13:00 Everton - Wolves  
15:30 Arsenal - Tottenham

Boltatilboð

## LIFANDI TÓNLIST



## AMIGOS

FÖSTUDAG & LAUGARDAG

FRÁ KL. 00.00 - 03.00

## HAPPY HOUR VIRKA DAGA FRÁ 16-19

## HEITUR MATUR ALLA DAGA 11-21

SÍMI 554 2166

HAMRABORG 11 • 200 KÓPAVOGUR

WWW.CATALINA.IS

## Tilkynningar



Reykjavíkurborg  
Umhverfis- og skipulagssvið

## Tillaga að breytingu á Aðalskipulagi Reykjavíkur 2010-2030 Sjómannaskólareitur (P32), Veðurstofuhæð (P35) Breytt landnotkun og fjölgun íbúða

Borgarráð Reykjavíkur samþykkti þann 4. júlí 2019 að auglýsa tillögu að breytingu á Aðalskipulagi Reykjavíkur 2010-2030, samkvæmt 1. mgr. 36. gr, sbr. 31. gr. laga nr. 123/2010. Aðalskipulagstillagan er auglýst samhliða breytingu á deiliskipulagi Sjómannaskólareits. Tillagan er einnig auglýst með athugasemdum Skipulagsstofnunar, dagsettar 19. ágúst 2019.

Aðalskipulagstillagan nær til tveggja svæða í Borgarhluta 3, Hlíðar, Holt, Norðurmyri. Annars vegar er lagt til að breyta landnotkun að hluta á svokölluðum Sjómannaskólareit, úr samfélagsþjónustu í opið svæði og íbúðarbyggð fyrir um 150 íbúðir. Hinsvegar er lagt til að Veðurstofuhæð, sem nú er skilgreind sem samfélagsþjónusta verði breytt í miðsvæði með áherslu á blöndun byggðar og 150-250 íbúðir.

Tillagan liggur frammi í þjónustuveri Reykjavíkurborgar að **Borgartúni 12-14**, 1. hæð, virka daga kl. 8:20 – 16:15, frá 30. ágúst 2019 til og með 11. október 2019. Tillagan er einnig til sýnis á Skipulagsstofnun, Borgartúni 7b. Tillöguna má nálgast á [reykjavik.is](http://reykjavik.is) og [adalskipulag.is](http://adalskipulag.is)

Eru þeir sem telja sig eiga hagsmuna að gæta hvattir til að kynna sér tillöguna. Ábendingum og athugasemdum við tillöguna skal skila skriflega til Umhverfis- og skipulagssviðs, Borgartúni 12-14 eða á netfangið [skipulag@reykjavik.is](mailto:skipulag@reykjavik.is), eigi síðar en 11. október 2019. Vinsamlegast notið uppgefið netfang fyrir innsendar athugasemdir með tölvupósti.

## Auglýsing um breytingu á deiliskipulagi í Reykjavík

Í samræmi við 1. mgr. 41. gr. sbr. 1. mgr. 43. gr. skipulagslaga nr. 123/2010 er auglýst tillaga að breytingu á deiliskipulagi í Reykjavík.

### Sjómannaskólareitur

Á fundi skipulags- og samgönguráðs þann 3. júlí 2019 og borgarráði Reykjavíkur þann 4. júlí 2019 var samþykkt að auglýsa tillögu að breytingu á deiliskipulagi fyrir Sjómannaskólareit 1.254.2. Í tillögunni felst uppbygging á lóð Sjómannaskólans fyrir allt að 150 nýrra íbúða á svæðinu fyrir eldri borgara, námsmenn, félagsbústaði og hagkvæmt húsnæði (almennar íbúðir). Bætt verður við byggingarheimildum fyrir biskupsstofu á lóð Háteigskirkju og afmörkuð hverfisvernd á Stakkstæði og Vatnshól. Reiturinn afmarkast af Háteigsvegi til suðurs, Vatnsholti til austurs, Skipholti til norðurs, Nóatúni og lóð Háteigskirkju til suðurs og vesturs. Nánar um tillöguna vísast til kynningargagna.

Tillöguna má einnig nálgast á skjá og tölvu í þjónustuveri Reykjavíkurborgar að **Borgartúni 12-14**, 1. hæð, virka daga kl. 8:20 – 16:15 frá 30. ágúst 2019 til og með 11. október 2019. Einnig má sjá tillöguna á vefnum, [www.reykjavik.is](http://www.reykjavik.is), skipulag í kynningu. Eru þeir sem telja sig eiga hagsmuna að gæta hvattir til að kynna sér tillöguna. Ábendingum og athugasemdum við tillöguna skal skila skriflega til skipulagsfulltrúa eða á netfangið [skipulag@reykjavik.is](mailto:skipulag@reykjavik.is), eigi síðar en 11. október 2019. Vinsamlegast notið uppgefið netfang fyrir innsendar athugasemdir með tölvupósti.

Umhverfis- og skipulagssvið Reykjavíkurborgar

Borgartúni 12-14, 105 Reykjavík, sími: 411 1111, [www.reykjavik.is](http://www.reykjavik.is)

Keypt  
& Selt

Til sölu

LOK Á HEITA POTTA OG  
HITAVEITUSKELJAR.

Stærðir í cm: 200x200, 210x210, 220x220, 235x235, 235x217, 217x174, 8 hyrnd lok. Lokin þola 1000 kg fjarnarþunga af snjó. Vel einangruð og koma með 10 cm svuntu. Sterkustu lokin á markaðnum. Litir: Brúnt eða Grátt. Opnara til þess að auðvelda opnun á loki. www.Heitipottar.is Sími 777 2000 Haffi og 777 2001 Grétar



Eigum til á lager nettar deiglögunarvélar, 50 l pottur fyrir ca 30 kg deig, tveggja hraða. Upplýsingar Bakarataekni s:8921031 og 8963470.

Kassagítarar  
á tilboði

Kassagítarar í úrváli Gítarinn ehf Kassagítarar á tilboði Rafmagnsgítarar á tilboði Stórhöfða 27 s 552 2125 www.gitarinn.is gitarinn@gitarinn.is

## Óskast keypt

STAÐGREIÐUM OG LÁNUM  
ÚT Á: GULL, DEMANTA,  
VÖNDUÐ ÚR OG MÁLVERKI!


Hringar, hálsmen, armbönd, Rolex, Cartier, Patek Philippe o.fl. Hringdu núna og fáðu tilboð þér að kostnaðarlausu!

www.kaupungull.is

Opíð mán - fös 11-16,  
Skiptahólf 27, 105

Upplýsingar í síma 782 8800

## Nudd



## TANTRA NUDD

Ekta vígsla í leyndardóma Tantra með Tantra nuddi. Einstæð upplifun fyrir þér, konur og karla. S. 698 8301 www.tantrateple.is

## Húsnæði

## Húsnæði í boði

TIL LEIGU NÝLEGT  
165 - 570 FM  
ATVINNUHÚSNÆÐI Í  
116 REYKJAVÍK  
VERÐ FRÁ KR 990 FM

165 og 285 fm bil með allt að 9 m lofthæð, stórar innkeyrsludyr, góð malbikuð lóð, og greið aðkoma.

Nánari upplýsingar veitir  
Sverrir í s. 661 7000

Til leigu 30 fm stúdíóbúð í 105 Rvk. Upplýsingar í síma 897-5396

## Geymsluhúsnæði

GEYMSLUR.IS  
SÍMI 555-3464

Suma hluti er betra að geyma. Geymslur fyrir dánarbúð, allt að 20% afsláttur. www.geymslur.is

## WWW.GEYMSLAEITT.IS

Sérgeymslur á mjög góðum verðum. Frá 2-17 m<sup>2</sup>. S: 564-6500

## Atvinnuhúsnæði

## TIL LEIGU.

Kistumelur 14, 289 fm á kr. 1500 pr fm. Stórar innkeyrsludyr, 9,5 m lofthæð.

Nánar uppl. s. 840 3992

## Atvinna

## Atvinna í boði

## LOFTORKA REYKJAVÍK

Óskar eftir verkamanni vönum jarðvinnu

Upplýsingar í síma: 892 0525  
fridrik@loftorka.com

## Atvinna óskast

VANTAR ÞIG SMÍÐI,  
MÚRARA, MÁLARA EÐA  
AÐRA STARFSMENN?

Höfum á skrá menn sem geta hafið störf með skómmum fyrirvara.

Proventus starfsmannþjónusta  
- proventus.is Sími 551-5000  
Netfang proventus@proventus.is

## Tilkynningar

## Tilkynningar

## WWW.YAAKOVSWELL.NET

Here you will find a series of studies of the Blessed Torah. All the material is completely free. you may download it, copy it and give it away.

## Fasteignir



GRENSÁSVEGUR 11

SÍMI 588 9090

## LÁGALEITI 7, 103 REYKJAVÍK



## TIL LEIGU

Ný fullbúin 53 fm íbúð á efstu hæð með 16 fm svölum. Ískápur og uppþvottavél fylgja. Leiga 210 000 kr.

Nánari uppl. Hilmar Þór Hafsteinsson lg.fs. hilmar@eignamidlun.is

VILT ÞÚ SELJA  
HÚSIÐ ÞITT?

STAKFELL  
FASTEIGNASALA | 1984

535-1000

## Tilkynningar



## Mat á umhverfisáhrifum

Athugun Skipulagsstofnunar

## Athafnasvæði Björgunar við Álfsnesvík

Björgun ehf. hefur tilkynnt til athugunar Skipulagsstofnunar frummatsskýrslu um landfyllingu og höfn fyrir efnisvinnslusvæði Björgunar í Álfsnesi.

**Kynning á frummatsskýrslu:** Tillaga að ofangreindri framkvæmd og skýrsla um mat á umhverfisáhrifum hennar liggur frammi til kynningar frá 30. ágúst - 11. október á eftirtöldum stöðum: Á Þjóðarboðhlöðunni og hjá Skipulagsstofnun. Frummatsskýrslan er aðgengileg á vef Skipulagsstofnunar www.skipulag.is.

Vakin er athygli á að samhlöða eru auglýstar til athugasemda tillögur að breytingum á aðalskipulagi Reykjavíkur og svæðisskipulagi höfuðborgarsvæðisins vegna fyrirhugaðra framkvæmda í Álfsnesi. Skipulags- tillögurnar eru aðgengilegar á vef Reykjavíkurborgar adalskipulag.is, á vef SSH ssh.is/svaedisskipulag.is og á vef Skipulagsstofnunar skipulag.is, auk þess sem gögnin liggja frammi hjá framangreindum aðilum og á skrifstofum annarra sveitarfélaga á höfuðborgarsvæðinu. Athugasemdir við skipulagstillögurnar skulu sendar á ssh@ssh.is eða skipulag@reykjavik.is eigi síðar en kl. 16 þann 11. október 2019.

**Athugasemdafrestur vegna frummatsskýrslu:** Allir geta kynnt sér frummatsskýrsluna og lagt fram athugasemdir. Athugasemdir skulu vera skriflegar og berast eigi síðar en 11. október 2019 til Skipulagsstofnunar, Borgartúni 7b, 105 Reykjavík eða með tölvupósti á skipulag@skipulag.is.

Vakin er athygli á að kynningarfundur um frummatsskýrsluna ásamt tillögum að breytingum á svæðis- og aðalskipulagi þann 15. september á 7. hæð á skrifstofu Reykjavíkurborgar Borgartúni 12-14.



Samtök sveitarfélaga á höfuðborgarsvæðinu

Reykjavíkurborg  
Umhverfis- og skipulagssvið

## Iðnaðarsvæði í Álfsnesvík

Auglýsing tillagna að breytingum á svæðisskipulaginu Höfuðborgarsvæðið 2040 og Aðalskipulagi Reykjavíkur 2010-2030, ásamt nýju deiliskipulagi vegna iðnaðarsvæðis við Álfsnesvík.

## Álfsnesvík.

Svæðisskipulagsnefnd höfuðborgarsvæðisins auglýsir tillögu að breytingu á svæðisskipulaginu Höfuðborgarsvæðið 2040, sbr. 24. gr. skipulagslaga nr. 123/2010 og 7. gr. laga um umhverfismat áætlana nr. 105/2006. Samhlöða auglýsir skipulagsfulltrúi Reykjavíkur breytingu á Aðalskipulagi Reykjavíkur 2010-2030, sbr. 31. gr. skipulagslaga og nýtt deiliskipulag við Álfsnesvík í samræmi við 43. gr. skipulagslaga. Tillögnum fylgir sameiginleg umhverfisskýrsla sem unnin er í samræmi við lög um umhverfismat áætlana nr. 105/2006.

Markmið skipulagstillagnanna er að afmarka heppilegt land fyrir efnisvinnslusvæði vegna mannvirkja-gerðar sem næst þéttbýlinu á höfuðborgarsvæðinu. Í umhverfismati skipulagstillagnanna kemur fram niðurstaða um að Álfsnesvík sé ákjósanlegasti staðarvalkosturinn fyrir þessa starfsemi. Í tillögu að breytingu á aðalskipulagi Reykjavíkur er afmarkað iðnaðarsvæði vegna þessa í Álfsnesvík og í tillögu að breytingu á svæðisskipulagi eru vaxtarmörk færð þannig að iðnaðarsvæðið verði innan þeirra. Í tillögu að deiliskipulagi fyrir Álfsnesvík er sett fram stefna um afmörkun lóðar og aðkomu að henni, hafnarkant, byggingarreit og landmótun við lóðarmörk. Gert er ráð fyrir því að Björgun ehf. flytji starfsemi sína á umrætt svæði.

Tillögurnar, ásamt sameiginlegri umhverfisskýrslu og umsögn Skipulagsstofnunar um aðalskipulags- tillöguna liggja nú frammi til sýnis á skrifstofu SSH, Hamraborg 9 Kópavogi, hjá Skipulagstofnun, Borgartúni 7b í Reykjavík, í þjónustuveri Reykjavíkurborgar Borgartúni 12-14 og á skrifstofum annarra sveitarfélaga á höfuðborgarsvæðinu, frá 30. ágúst til og með 11. október 2019. Gögnin eru einnig aðgengileg á vef SSH, www.ssh.is/svaedisskipulag og á vef Reykjavíkurborgar, reykjavik.is/skipulag-i-kynningu og adalskipulag.is

Pau sem vilja kynna sér tillögurnar frekar eru hvött til að mæta á opinn kynningarfund sem haldinn verður á umræddu tímabili og boðað verður til með sérstakri auglýsingu. Þar verður einnig kynning á frummatsskýrslu, sbr. lög nr. 106/2000, vegna mats á umhverfisáhrifum landfyllingar og hafnar fyrir efnisvinnslusvæði á Álfsnesi, en skýrslan ásamt fylgigögnum liggur frammi til kynningar hjá Skipulagsstofnun og hjá Reykjavíkurborg í Borgartúni 12-14. Frétt um kynningu frummatsskýrslu er aðgengileg á vef Skipulagsstofnunar, skipulag.is.

Hver sá sem telur sig eiga hagsmuna að gæta er hvattur til að kynna sér tillögurnar.

Ábendingum og athugasemdum við tillögurnar skal skila skriflega til skrifstofu SSH Hamraborg 9, 200 Kópavogi eða á skrifstofu Umhverfis- og skipulagssviðs Reykjavíkurborgar Borgartúni 12-14. Einnig má senda á netfangið ssh@ssh.is eða skipulag@reykjavik.is eigi síðar en kl. 16:00 11. október 2019.

Svæðisskipulagsstjóri höfuðborgarsvæðisins  
Skipulagsfulltrúi Reykjavíkur

Ábendingahnappinn má  
finna á www.barnaheill.is

SAFT

